

御序

分宁双井之泉有黄卿名庭坚者其子相一日进其族谱乞朕序朕披阅之备知其鼻祖陆终演迄演迄而为五十三世之泽甲第簪缨蝉联焉可谓远矣昔老泉谱苏氏曰人之一身分而至于亲尽则视如途人此谱之所以作朕尝有感于斯语而犹以未尽人情之变嗟呼亲尽相视如途人薄矣安之有亲未尽而有疾视如仇讎者乎谱岂可无作亦岂可作徒作谱官爵盛不如谱诗书之盛谱族党之富不如谱礼逊之富杜房门户非不辛苦随为不肖子孙败之崔卢门第非不高华及其泉冷仅足为买婚姻之用耳皆不免后世之非笑然后知诗书之泽长礼逊之风远也阅兹奏请则诚人心风俗千百年不磨之典试聚族谋之傥以朕言为非欺则黄氏之谱自是万世指南悠久绵亘古

宋政和三年八月二十日

序

黄氏系出江夏派衍福建浙江山东徽州常熟洪都宁州双井富州浚江改为远岗又筠阳三县袁州四县及吴城湾头黄金港钓鱼台湖广之长沙岳州荊州武昌汉阳衡州兴国大

治皆江夏分派者也尽其先由颍頊曾孙陆终之后受待黄至战国时歇公相楚为春申君西汉时次公以太守入相数传至东汉文疆公以孝行传学着封江夏郡公历琮至琬累世簪缨天下知有黄姓久矣迄唐太宗诏天下奏谱牒退新门进旧望左膏梁右寒微合一百九十三姓三千六百一家而黄氏亦与首称为其时有陷公者干宁五年登第任御史諫官正色公任吏部尚书公荣公为教授士全公任柱国大将军金紫青光禄大夫璞公居荆南玘公居宁州双井琛公居金华珍公居诸暨瑕公居丰城沆江远冈传至宋世元仕公翰林院学士九子一壻俱登第为尚书故世称沆江九子十尚书云中理中雅伯仲十子悉登巍科长湜公居双井生子三长昭公福建漕运官御史大夫次庶公三廉公宋元佑中吏科给事庶公生三子大临公黔州刺史谪萍乡令庭坚公由神童中乙卯科擢举进士馆选翰林院官龙图阁大学士别号山谷元佑中赠太史后谥文节公叔达公官侍御史昭之子友闻公吏部员外中友颜公青田县令庭坚之子相公官大理寺丞当宋之日双井一门同朝一相二御史九尚书四十八进士其宦业可称甚盛后之析居诸郡者能由己祖以溯所自出之祖共成全帙则本支百世之谊不亦聊于无既哉明洪武戊辰赐进士第出身前礼部观政行人司有功授吏科都给事

南昌木山门生魏洪敏顿首拜撰